

Ժողովուրդ

164
(2830)

18 նոյեմբերի շաբաթ 2023
տպագրության ԺԲ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՔՊ-Ն ՓՈՐՉՈՒՄ Է ՎԵՐԱՂՍԿԵԼ ԻՐ ԱՆԴԱՄՆԵՐԻՆ




Իշխող «Քաղաքացիական պայմանագիր»-ը նոյեմբերի 16-ին, Նիկոլ Փաշինյանի գլխավորությամբ, Նախաձեռնող խմբի նիստ էր արել: «Ժողովուրդ» օրաթերթին Նոր մանրամասներ են հայտնի դարձել ՔՊ փակ նիստից: Տեղեկացանք, որ վարչության նիստը 2 ժամից ավելի է տևել և հիմնականում նվիրված է եղել ՔՊ կանոնադրության ու կուսակցականների էթիկայի վարքականություններին: Մեր տեղեկություններով՝ պատճառն էլ ՔՊ-ական Թաթուլ Ասիլյանի սկանդալային վարքագիծն է եղել, ինչի պատճառով էլ նա հեռացվել էր կուսակցությունից. հավանաբար, Նիկոլ Փաշինյանը որոշել է դաս տալ ՔՊ-ականներին: ՔՊ վարչության անդամ Ռոմանոս Պետրոսյանը նիստի սկզբում կուսակցության կանոնադրությունն է ընթերցել թիմակիցների համար, խոսել է նրանց պարտականությունների ու էթիկայի կանոններին հետևելու անհրաժեշտության մասին, խոսել է նաև կուսակցաշինության մասին: Թե ինչու հենց Ռոմանոս Պետրոսյանը, ՔՊ-ից ասացին, որ վարչությունն է այդպես որոշել: ՔՊ-ականներին ասվել է, որ չպետք է շեղվեն կուսակցության կանոնադրությունից, խստորեն պետք է հետևեն դրան և չպետք է իրենց վարքով սովորեցնեն ամբողջ թիմի վրա: Կուսակցության Նախաձեռնող խմբի նիստն իր կարճ ելույթով եզրափակել է Նիկոլ Փաշինյանը: Ուշագրավ է նաև, որ Նախաձեռնող խմբի նիստին Նախարարները ներկա չեն եղել:

ՀՀ Ազգային ժողովի «Քաղաքացիական պայմանագիր» խմբակցության պատգամավոր Բաբկեն Թունյանը այն պատգամավորներից է և քաղաքական գործիչներից է, որը ես ունի լրագրողական անցյալ: Նա դաշտ է մտել 2018 թվականի հեղափոխությունից հետո: Ուշագրավն այն է, որ հենց 2018 թվականի մայիսի 8-ին, երբ Նիկոլ Փաշինյանն ընտրվեց ՀՀ վարչապետ, Բաբկեն Թունյանը Նոր մեքենա է գնել: Այս մասին տեղեկանում ենք Բաբկեն Թունյանի՝ 2023 թվականի մայիսի 31-ին ներկայացրած 2022 թվականի եկամուտների և գույքի հայտարարագրից: Մեքենան Mercedes Benz մակնիշի է՝ արտադրված 2004 թվականին: Թունյանը, ըստ հայտարարագրի, ունի մեկ բնակարան բազմաբնակարան շենքում, որը ձեռք է բերվել 1994 թվականին համատեղ սեփականությամբ Դավթաշեն վարչական շրջանում: Ստացված վարկերի և փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 33 մլն դրամ, որին կից նշված է, որ այս գումարը հիփոթեքով ձեռք բերված բնակարանի մայր գումարի մնացորդն է: Թունյանը 2022 թվականի հուլիսից զբաղեցնում է ԱԺ տնտեսական հարցերի մշտական հանձնաժողովի Նախագահի ժամանակավոր պաշտոնակատարի պաշտոնը: Նրա բանկային հաշիվների մնացորդները կազմել են 779 հազար դրամ, կանխիկ դրամական միջոցները 1200 ԱՄՆ դոլար և 1 մլն 200 հազար դրամ: Պատգամավորի տարեկան եկամուտները կազմել են 8 մլն 465 հազար դրամ, որից 8 մլն 354 հազար դրամը աշխատանքի վարձատրություն է ՀՀ Ազգային ժողովի աշխատակազմից, իսկ 111 հազար դրամը քաղաքացիական այլ պայմանագրերից ստացված եկամուտ է ՀՀ պետական կառավարման ակադեմիայից:



«Ժողովուրդ» օրաթերթի տեղեկություններով՝ Նախորդ շաբաթ՝ ԱԺ նստաշրջանի մեկնարկից առաջ, ընդդիմադիր «Հայաստան» դաշինքն ընդլայնված կազմով նիստ է արել՝ երկրորդ Նախագահ Ռոբերտ Քոչարյանի գլխավորությամբ: Քննարկվել են առաջիկա անելիքները և ԱԺ-ում «Հայաստան» ֆրակցիայի մարտավարության հետ կապված հարցեր: Հանդիպման մասին տեղեկությունը մեզ հետ զրույցում հաստատեց նաև «Հայաստան» խմբակցության պատգամավոր Ազնեսա Խամոյանը. «Այո, «Հայաստան» խմբակցության պատգամավորները հանդիպել են «Հայաստան» դաշինքի ղեկավար, երկրորդ Նախագահ Ռոբերտ Քոչարյանի հետ: Հաստատում եմ ձեր տեղեկությունը, ուզում եմ նաև ընդգծել, որ այստեղ զարմանալու ոչինչ չկա, քանի որ նման հանդիպումները պարբերական բնույթ են կրում»: Հիշեցնենք, որ Ռոբերտ Քոչարյանի որդին՝ Լեւոն Քոչարյանը, նոյեմբերի 6-ին ԱԺ պատգամավորի մանդատ ստացավ, իսկ արդեն նոյեմբերի 14-ի ԱԺ նիստում պաշտոնապես երդմամբ ստանձնեց պատգամավորական լիազորությունները:



Ներքին գործերի Նախարարությունը Նախագահ է ներկայացրել բենզալցակայանների և ավտոնստեռների շահագործման պայմանների վերաբերյալ: Ըստ այդմ՝ մի քանի կանոններ պետք է ապահովվեն, օրինակ՝ Նախքան շինարարական աշխատանքներ սկսելը սեփականատերը կամ շահագործող անձը դիզայնի ծրագիրը (էքզիզ) պետք է ներկայացնի Քաղաքաշինության, տեխնիկական և հրդեհային անվտանգության տեսչական մարմին համապատասխան եզրակացություն ստանալու նպատակով: Մյուս կետով՝ կառուցման ժամանակ պետք է Նախատեսվի բոլոր մեխանիզմների, սարքավորումների, ավտոմատիզացիայի պահեստարանների ու բաքերի, խողովակաշարերի, վառելիքաբաշխիչ աշտարակների և այլնի պաշտպանվածությունը ցանկացած տեսակի վնասվելու ռիսկից: Հիմնավորման մեջ նշվում է, թե նման Նախագծի հիմք են հանդիսացել վերջին շրջանում շատացած դեպքերը:



ԶՐՈՒՅՑ

ԱՐՑԱԽԻ ՊԱՏԳԱՄԱՎՈՐՆԵՐԻ ՄՏԱԴՐՈՒԹՅՈՒՆՆԵՐԸ

«Ժողովուրդ» օրաթերթի գրուցակիցը Ազգային ժողովի ՀՅԳ խմբակցության ղեկավար Արթուր Մուսիյանն է:

-Պարոն Մուսիյան, տեղեկություններ կան, որ Արցախի ԱԺ պատգամավորները Հայաստան տեղափոխվելուց հետո մտադիր են այստեղ ԱԺ նիստ հրավիրել, քննարկել իրենց առաջիկա անելիքները, ինչպես նաև Արցախի ինքնորոշման հարց բարձրացնել, սակայն ԱԺ փոխնախագահ Բաղդուսը չկա, որը պետք է նիստ նախաձեռնի:

-Բաղդուսը կա, բոլոր պատգամավորները տեղում են, իսկ նիստ հրավիրելու մասով չեմ ուզում խոսել. երբ անենք, բոլորը կհամաձայնան, նախապես չեմ ուզում խոսել:

-Այսինքն՝ խոսել էք նրա հետ, քննարկել էք ԱԺ նիստ հրավիրելու հարց:

-Տեսել եմ նրան ու խոսել եմ նրա հետ, բայց նիստի մասին ոչինչ չեմ ուզում ասել, փակագծեր չեմ բացելու:

-Պարոն Մուսիյան, իսկ այս իրավիճակում Արցախի ինքնորոշման հարց բարձրացնելը հավանական համարում էք, ի՞նչ կտա այն:

-Իրադարձություններից առաջ չընկնենք. երբ նման քննարկում լինի, տեղյակ կպահենք:

-Պարոն Մուսիյան, Հայաստանի իշխանությունների ներկայացուցիչները հայտարարում են, թե Հայաստանում Արցախի պետական կառույցների եւ ինստիտուտների պահպանումը վտանգ է Հայաստանի Հանրապետության համար: Ի՞նչ վտանգի մասին են խոսում նրանք:



-Ես կարծում եմ նման հայտարարություններն իրենք են վտանգ ներկայացնում Հայաստանի եւ հայ ժողովրդի համար:

Ոչ մի վտանգ էլ չի ներկայացնում, դա իրենցից պետք է հարցնեք՝ ինչու է կայանում վտանգը:

-Կարո՞ղ ենք ենթադրել, որ վախենում են Ադրբեյջանի իշխանությունների հայտարարություններից:

-Իրենց պետք է հարցնել՝ ինչից են վախենում, ես որեւէ վտանգ չեմ տեսնում. թե տեսնում են, թող իրենք ասեն:

Զրուցեց ԶՐՈՒՅՑԻ ԱՍՏԻՆՆԱԿԱՆԸ

ԱՆՅՈՒՂԱՐՁ

ՔՆՆԱՐԿՈՒՄՆԵՐ ԿԼԻՆԵՆ

Երեւանի ավագանու խմբակցությունները պատրաստվում են ավագանու նոյեմբերի 21-ի նիստին:

«Ժողովուրդ» օրաթերթը գրել էր, որ Հայկ Մարությանի «Ազգային առաջընթաց» կուսակցությունը երկուշաբթի է խմբակցության նիստ անելու, որպեսզի վերջնական որոշում կայացնեն ավագանու նիստին մասնակցության վերաբերյալ:

Մեր տեղեկություններով՝ «Ազգային առաջընթաց»-ը մտադիր է մասնակցել նիստին, իսկ ֆրակցիայի նիստին որոշում կկայացնեն Հայկ Մարությանի մասնակցության մասով:

Ավագանու նիստի նախօրեին՝ երկուշաբթի օրը, նիստ կանի նաև «Մայր Հայաստան» դաշինքը:

Հիշեցնենք, որ օրերս «Մայր Հայաստան» դաշինքի ղեկավար Անդրանիկ Թեւանյանը հայտարարել էր ավագանու անդամի մանդատը վայր դնելու մասին. խմբակցությունը կղեկավարի Մանուկ Սուքիասյանը:

«Ժողովուրդ» օրաթերթը տեղեկացավ, որ ավագանու ԶԳ խմբակցությունը չորեքշաբթի է նիստ արել, իսկ «Հանրապետություն»-ը ֆրակցիայի նիստ կանի այսօր:

Քաղաքապետարանից տեղեկացանք նաև, որ ավագանու նոյեմբերի 21-ի նիստի օրակարգում 17 հարց է ընդգրկված:

ՈՒՐԻՆՅԱՆԸ ԲԻՇՔԵԿՈՒՄ

«Ադրբեյջանը ներկայումս օկուպացրել է Հայաստանի շուրջ 200 քառ. կմ տարածք»,- ԱՊՀ Միջխորհրդարանական վեհաժողովի 56-րդ լիագումար նիստում



հայտարարել է ՀՀ ԱԺ փոխխոսնակ Ռուբեն Ռուբինյանը:

«Հայաստանի տարածքային ամբողջականության դեմ լայնածավալ ռազմական գործողությունների, ինչպես նաև Ադրբեյջանի կողմից վերջին երեք տարիների ընթացքում իրականացված սողացող ռազմական օկուպացիայի մարտավարության արդյունքում օկուպացվել է Հայաստանի Հանրապետության շուրջ 200 կմ ինքնիշխան տարածք»,-ասել է Ռուբինյանը:

Նրա խոսքով՝ Հայաստանը շարունակում է աշխատել Ադրբեյջանի հետ խաղաղության համաձայնագրի եւ հարաբերությունների հաստատման ուղղությամբ, սակայն պնդում է, որ այդ համաձայնագրում ճանաչվեն երկրի տարածքային ամբողջականությունն ու ինքնիշխանությունը, ինչպես նաև Երեւանի իրավասության սկզբունքները տարածաշրջանում հաղորդակցությունների ապաշրջափակման դեպքում:

Հայաստանի դիրքորոշումը նույնն է մնում խաղաղ հարաբերությունների հաս-

տատում հիմնված երեք համաձայնեցված սկզբունքների վրա: Առաջին սկզբունքն ասում է, որ Հայաստանն ու Ադրբեյջանը միմյանց տարածքային ամբողջականությունը ճանաչում են համապատասխանաբար 29,8 հազար եւ 86,6 հազար քառ/կմ-ի սահմաններում:

Երկրորդ սկզբունքը՝ սահմանների սահմանազատումն ու սահմանագծումը, պետք է իրականացվեն՝ 1991թ.-ի Ալմա-Աթայի հռչակագրին համապատասխան, 1974-1990թթ.-ի խորհրդային քարտեզների հիման վրա: Հայաստանն ու Ադրբեյջանը միմյանց նկատմամբ տարածքային պահանջներ չունեն եւ պարտավորվում են հետագայում եւս որեւէ պահանջ չառաջադրել:

Երրորդ սկզբունքը վերաբերում է տարածաշրջանային հաղորդակցությունների ապաշրջափակմանը՝ այն երկրների ինքնիշխանության, իրավասության եւ օրենսդրության շրջանակներում, որոնցով դրանք անցնում են:



Ո՞Վ Է ՆՈՐ ԱՆԴԱՄԸ

Օրերս հայտնի դարձավ, որ «Մայր Հայաստան» դաշինքի ղեկավար Անդրանիկ Թեւանյանը վայր է դրել ավագանու անդամի մանդատը:

Ավագանու «Մայր Հայաստան» ֆրակցիան կղեկավարի Մանուկ Սուքիասյանը:

«Ժողովուրդ» օրաթերթը տեղեկացավ, որ վերջինս «Առաքելություն» կուսակցության քաղաքական խորհրդի անդամ է եղել:

Սա այն քաղաքական ուժն է, որը 2018թ.-ին «Քաղաքացիական պայմանագիր» կուսակցության հետ ձեւավորեց «Իմ քայլը» դաշինքը եւ մասնակցեց Երեւանի ավագանու, ապա Ազգային ժողովի ընտրություններին:

Ավելի ուշ նա լքել էր «Առաքելություն» կուսակցությունը եւ կոչ է արել Փաշինյանին հրաժարական տալ:

2021 թվականի ապրիլի 30-ին Մանուկ Սուքիասյանը հիմնադրել է «Ինտելեկտուալ Հայաստան» կուսակցությունը:

«Ինտելեկտուալ Հայաստան»-ն Անդրանիկ Թեւանյանի «Մայր Հայաստան»-ի հետ դաշինքով մասնակցեց Երեւանի ավագանու վերջին ընտրություններին:

Այժմ Մանուկ Սուքիասյանը ղեկավարում է ավագանու «Մայր Հայաստան» խմբակցությունը:

ՆԵՏԱԳԱՐՁ ՈՒԺՈՎ ՃԱՆԱԶՎԵԼ Է

Նոյեմբերի 15-ին Հայաստանը պաշտոնապես ծանուցել է Միջազգային քրեական դատարանին, որ, Հռոմի ստատուտի 12-րդ հոդվածի 3-րդ մասի հիմքով, հետադարձ ուժով ճանաչում է 6, 7 եւ 8-րդ հոդվածների իրավազորությունը 2021 թվականի մայիսի 10-ից: ՄԶԴ-ն հրապարակել է «Հայաստանն ընդդեմ Ադրբեյջանի» գործով ժամանակավոր միջոցների վերաբերյալ իր որոշումը: Դատարանը հիմնավոր է համարում, որ 2023թ. սեպտեմբերի 19-ի գործողությունների արդյունքում Ադրբեյջանը խախտել է էթնիկ ծագմամբ հայերի որոշ իրավունքներ: Դատարանը հետեւաբար հիմնավոր է համարում, որ կապ կա ծագումով հայերի իրավունքների եւ Հայաստանի Հանրապետության կողմի դիմումի, այն է՝ ժամանակավոր միջոցների կիրառման համար: Ըստ այդմ՝ Միջազգային քրեական դատարանը որոշել է ժամանակավոր միջոցները կիրառել, առ այն՝ որ Ադրբեյջանը պարտավոր է ապահովել Լեռնային Ղարաբաղից հեռացածների վերադարձը: Ապահովել, որպեսզի մարդիկ, որոնք մնացել են ԼՂ-ում, ցանկության դեպքում լքեն այն: Ապահովել, որպեսզի այն անձինք, որոնք մնում են ԼՂ-ում 2023 թվականի սեպտեմբերի 19-ից հետո կամ վերադարձել են, զերծ մնան ուժի գործադրումից կամ ահաբեկումից, որը կարող է նրանց հեռանալու պատճառ դառնալ:

ՄԻԱԶԱՅՆ

ՌԱԶՄԱԿԱՆ ՕԳՆՈՒԹՅՈՒՆՆ ԱՐԳԵԼԱՓԱԿԵԼ Է

ՀԱՏԿԱՑՈՒՄ ԶԱՐԳԱՐԱՆՔՆԵՐԻ ՀԱՄԱՐ



Երեւանում ամանորյա զարդարանքները փակցնելու ակտիվ աշխատանքներ են ընթանում: Հանրապետության հրապարակում տեղադրում են Ամանորի խորհրդանիշ եղենին: Երեւանի քաղաքապետարանից հայտնում են, որ 2023-2024 թվականի ամանորյա զարդարանքների համար հատկացվել է 202 մլն 406 հազար դրամ գումար՝ գրեթե 500 հազար ԱՄՆ դոլար:

Ինչպես անցած տարի, այս տարի եւս այն իրականացվել է մեկ անձից գնման եղանակով: Երեկ փոխքաղաքապետ Սուրեն Գրիգորյանն ասուլիսի ընթացքում նշեց, որ չի բացառում, որ անհրաժեշտություն կարող է լինել ֆինանսական հավելյալ միջոցներ տրամադրել, սակայն խուսափեց գումարի հստակ չափ նշել: Այս ամենը քաղաքացիների շրջանում անհանգստություն է առաջացրել, որ կարիք չկար նման մեծամասշտաբ տոնակատարություն իրականացնել եւ միլիոններ հատկացնել այն դեպքում, երբ 21-րդ դարում 2023 թվականը պատմության մեջ գրվեց Արցախը ունենալու վերջին եւ այն կորցնելու առաջին տարին:

Նախորդ տարիներին, օրինակ՝ 2018 թվականին, ամանորյա զարդարանքների համար ծախսվել է 222 մլն ՀՀ դրամ, 2019-ին՝ 355 միլիոն դրամ: Ըստ պետական գնումների armeps.am համակարգի՝ Երեւանի քաղաքապետարանի եւ «Սինեմարտ» ՍՊԸ-ի միջեւ պայմանագիրը կնքվել է 2023թ. նոյեմբերի 7-ին:

Ըստ պայմանագրի՝ այդ ընկերությունը մայրաքաղաքում տեղադրելու է տոնական լուսավորության սարքավորումներ: Հարկ է նշել, որ այս ընկերությունը Երեւանի ամանորյա ձեւավորումը կատարել էր նաեւ նախորդ տարի, կրկին՝ առանց մրցույթի:

Այդ ժամանակ տոնական ձեւավորման համար հատկացվել էր 191 միլիոն դրամ: «Սինեմարտ» ՍՊԸ-ն, ըստ Իրավաբանական անձանց պետական ռեգիստրի, հիմնադրվել է 2008 թվականի հոկտեմբերի 23-ին: Ընկերության տնօրենն ու 100 տոկոս բաժնեմասի սեփականատերը Հանրային հեռուստաընկերության ռազմավարական ծրագրերի ղեկավար Ռուբեն Ծահինյանն է: Քաղաքացիների մի մասը կողմ է, որ, ամեն դեպքում, արժե նման ծախսեր կատարել, եւ ինչո՞ւ պետք է Երեւան քաղաքը չունենա ամանորյա զարդարանք: Այսպիսով, սպասելը գնումների նոր գործընթացների՝ տեսնելու համար, թե որքան կավելանա նախանշված 202 միլիոն դրամը:

ԱՄՆ Սենատը նոյեմբերի 16-ին ընդունել է Միջինատլանտյան պակտի սենատոր Գարի Փիթերսի հեղինակած՝ «Հայկական դաշտագրության ակտ» օրինագիծը, որի նպատակն է 2024 եւ 2025թթ. համար չեղարկել «Ազատության աջակցության ակտի» 907-րդ հոդվածի (907-րդ բանաձեւ) ամենամյա չեղարկման նախագահական իրավասությունը, ինչի արդյունքում Ադրբեջանը կգրկվի ամերիկյան ռազմական օժանդակությունից: Այս փոփոխությունը սեղի ունեցավ Հայ դաշի Ամերիկայի հանձնախմբի, հայ համայնքի, վերջինիս կոնգրեսական բարեկամների, ԱՄՆ-ում բնակվող այլ ժողովուրդների համայնֆային կազմակերպությունների շարունակադես աճող հասարակական ու քաղաքական երկարատեւ ճնշման դարազայում:

Մեկնաբանելով օրինագծի ընդունումը՝ Հայ դաշի Ամերիկայի հանձնախմբի Վաշինգտոնի կենտրոնական գրասենյակի գործադիր տնօրեն Արամ Համբարյանը մասնավորապես նկատել է. «Մենք շնորհակալություն ենք հայտնում սենատոր Փիթերսին իր առաջնորդության համար եւ ողջունում ենք Սենատի կողմից օրինագծի ընդունումը՝ որպես Արցախի ցեղասպանության համար Ադրբեջանին պատասխանատվության ենթարկելուն եւ Հայաստանի նկատմամբ նոր ագրեսիան զսպելուն ուղղված առաջին քայլ: Իր հերթին, նախագահ Բայդենը, հաշվի առնելով իր դերը Արցախի էթնիկ զտման գործընթացում Ադրբեջանին զինելու գործում, այս պահին պետք է անի շատ ավելին, քան պարզապես ազդարարի ԱՄՆ գործող օրենսդրության կիրառման պատրաստակամության մասին, օրինակ՝ ԱՄՆ-ն կարող է առաջնորդել ՄԱԿ-ի Անվտանգության խորհրդի բանաձեւ՝ հաստատելու միջազգային մանդատ, որը կապահովի հայության անվտանգ եւ կայուն վերադարձ դեպի Արցախ»:

Օրինագծի ներկայացման ժամանակ սենատոր Փիթերսը մանրամասնորեն ներկայացրել է Արցախի դեմ ադրբեջանական ագրեսիան՝ սկսած շուրջ տասնամյա շրջափակումից մինչեւ սեպտեմբերի 19-20-ի ռազմական ագրեսիա: Վկայակցելով այն, որ նախագահ Բայդենը



Ադրբեջանի շարունակապես աճող ագրեսիայի պարագայում չի դադարեցրել վերջինիս տրամադրվող օժանդակությունը՝ Փիթերսը Սենատի իր գործընկերներին հորդորել է գործել՝ ասելով. «Եթե մենք քայլեր չձեռնարկենք, երբ երկրները դիտավորյալ անտեսում են իրենց հետ մեր համաձայնագրերի պայմանները, մեր համաձայնագրերը կդառնան իրականում անիրատես եւ անտես: Ես կոչ եմ անում իմ գործընկերներին միանալ ինձ՝ Ադրբեջանին պատասխանատվության ենթարկելու համար, գործադրելու մեր պայմանավորվածությունները եւ չհրահրված ագրեսիայի պայմաններում կանգնելու հայ ժողովրդի կողքին»:

Հայ դաշի Ամերիկայի հանձնախումբը, հայ համայնքի ակտիվ ներգրավմամբ,

շարունակելու է աշխատանքը «907-րդ բանաձեւի» ամբողջական կիրարկումն ապահովելու համար՝ խրախուսելով ԱՄՆ Ներկայացուցիչների պալատում երկու օրինագծերի անհապաղ ընդունումը, որոնք կարգելափակեն ԱՄՆ ռազմական օժանդակությունն Ադրբեջանին՝ ամբողջությամբ չեղարկելով «907-րդ բանաձեւի» շրջանցման նախագահական լիազորությունները: Ներկայացուցիչների պալատում գտնվող օրինագծերի նախագծերով նաեւ առաջարկվում է ընդլայնել Հայաստանին տրամադրվող հումանիտար եւ ռազմական օժանդակությունը՝ ի պատասխան Հայաստանի դեմ Ադրբեջանի շարունակվող ագրեսիայի, ինչպես նաեւ օգնություն ցուցաբերել Արցախից բռնի տեղահանված հայությանը:

ՕՐՎԱ ԽՃԱՆԿԱՐ

ՀԱՏՏԱՏԵԼ Է ՄԱՍՆԱԿՑՈՒԹՅՈՒՆԵՐԸ

ՀՀ ԱԺ պաշտպանության եւ անվտանգության հարցերի մշտական հանձնաժողովից հայտնում են՝ ի պատասխան նախագահ Անդրանիկ Բջշարյանի 13.11.2023 թ. գրության՝ Սամվել Ծահրամանյանը հաստատել է իր մասնակցությունը 2020 թվականի սեպտեմբերի 27-ին սանձազերծված ռազմական գործողությունների հանգամանքների ուսումնասիրման նպատակով ստեղծված քննիչ հանձնաժողովի աշխատանքներին:

ՀԱՊԿ-Ի ԸՆԴՀԱՆՐԱՊԵՏՈՒԹՅԱՆ ԵՐԿՐՆԵՐԸ

Հավաքական անվտանգության պայմանագրի կազմակերպության (ՀԱՊԿ) երկրները շահագրգռված են «Այուրտանտ» ունիվերսալ թիրախային ուսումնական համալիրի ձեռքբերմամբ: Այս մա-

սին հայտարարել է Իժեկսկի «Կուպոլ» էլեկտրամեխանիկական գործարանի գլխավոր տնօրեն Ֆանիլ Զիյադդինովը, որին մեջբերում է «ՏԱՍՍ»-ը:

Նա նշել է, որ ընկերությունը շարունակում է ընդլայնել «Այուրտանտ» համալիրի տեսականին եւ հնարավորությունները, որի գնման համար հետաքրքրություն է դրսևորվում արտասահմանյան գործընկերների կողմից: «ՀԱՊԿ երկրներից մատակարարումների նկատմամբ հետաքրքրություն կա», - ասել է Զիյադդինովը՝ Dubai Airshow 2023 միջազգային օդատիեզերական ցուցահանդեսի շրջանակներում:

«Այուրտանտ» համալիրը հակաօդային պաշտպանության անձնակազմի պատրաստման ամենաժամանակակից թիրախային համակարգերից է:

ՊՆ-Ի ԽՆԳՐԱՆՔԸ

Կառավարությունը նոյեմբերի 17-ին գույք հետ վերցնելու եւ ամրացնելու մասին որոշում կայացրեց: Որոշման հիմնավորման մեջ նշվում է, որ ՀՀ պաշտպանության նախարարը դի-

մել է ՀՀ տարածքային կառավարման եւ ենթակառուցվածքների նախարարին՝ խնդրելով ճանապարհահատվածների հիմնանորոգման աշխատանքների ընթացքում ապամոնտաժված արգելափակոցները, երկաթբետոնյա կանգնակները հանձնել ՀՀ պաշտպանության նախարարությանը:

Հետևաբար որոշվել է Մ-2, Երեւան - Երասխ - Գորիս - Մեղրի - Իրանի Իսլամական Հանրապետության սահման միջպետական նշանակության ավտոմոբիլային ճանապարհի կմ131+500-կմ139+000, կմ142+000-կմ150+700, կմ150+700-կմ167+600, կմ182+532-կմ190+000, կմ196+000-կմ202+200 հատվածների եւ Մ-3, Թուրքիայի սահման-Մարգարա-Վանաձոր-Տաշիր-Վրաստանի սահման միջպետական նշանակության ավտոմոբիլային ճանապարհի կմ97+020-կմ104+700 հատվածի հիմնանորոգման աշխատանքների շրջանակներում ապամոնտաժված ճանապարհային տարրերն ամրացնել ՀՀ պաշտպանության նախարարությանը:

ԲԱՅԱՅԱՅՏՎԵՑ

ՄՊԱՆՈՒԹՅԱՆ ՓՈՐՉ՝ ԱԶԳԱԿԱՆԻ ՆԿԱՏՄԱՄԲ

Ավարտվել է Մարտունի համայնքի Գեղ-
հովիտ բնակավայրի բնակչի կողմից
ինձնապատասխան հրազենի գործադրմամբ հա-
մազույցացում նկատմամբ սոցիալական
փորձ կատարելու դեղի առթիվ նախա-
ձեռնված ֆրեական վարույթի նախաձե-
ռությունը:

«Ժողովուրդ» օրաթերթի տեղեկություն-
ներով՝ 33 ԶԿ Գեղարքունիքի մարզային
քննչական վարչության Մարտունու քնն-
չական բաժնում իրականացված քննու-
թյամբ ձեռք բերված փաստական տվյալ-
ներով հիմնավորվել է, որ հիշյալ բնակա-
վայրի բնակիչ Ա.Պ.-ն, տեղական ժամա-
նակ անձնական հարցերի պատճառով իր
ազգական Կ.Պ.-ի հետ լինելով թշնամա-
կան հարաբերությունների մեջ, վերջինիս
սպանելու նպատակով պատրաստել է
ինքնաշեն՝ 12 մմ տրամաչափի որսորդա-
կան փամփուշտ կրակելուն հարմարեց-
ված, մահակի մեջ թողարկված ատիպիկ
հրազեն:

2023թ. հունիսի 3-ին՝ ժամը 22:30-ի սահ-
մաններում, վերցնելով հիշյալ ինքնաշեն
հրազենը՝ Ա.Պ.-ն գնացել է Գեղհովիտ
բնակավայրում գտնվող խանութի մերձա-
կա տարածք, որտեղ կայանված վիճակում
տեսել է Կ.Պ.-ի ավտոմեքենան: Հասկա-
նալով, որ վերջինս խանութում է, մտել է
ներս եւ Կ.Պ.-ին կանչել խանութի կողային
հատվածում գտնվող սենյակ: Այնուհետեւ,
իր ընտանիքի բարի համբավն արատավո-
րելու հետեւանքով առաջացած վրեժի
շարժառիթով, իր կողմից պատրաստված
վերոնշյալ հրազենով Կ.Պ.-ին կյանքից զր-
կելու դիտավորությամբ մեկ անգամ կրա-
կել է վերջինիս ծախ ուսային հատվածին:
Կարծելով, թե Կ.Պ.-ն մահացել է, նա հրա-
զենը թողել է դեպքի վայրում եւ հեռացել:
Կ.Պ.-ն՝ հրազենային վիրավորումով, տե-



ղավորվել է Մարտունու բժշկական
կենտրոն, որտեղ հաջողվել է փրկել նրա
կյանքը:
Ձեռք բերված բավարար փաստերի հի-
ման վրա՝ Գեղհովիտ բնակավայրի բնակիչ
Ա.Պ.-ին մեղադրանք է ներկայացվել՝ 33
քրեական օրենսգրքի 335-րդ հոդվածի 1-
ին մասով, 336-րդ հոդվածի 1-ին մասով եւ

44-155-րդ հոդվածի 1-ին մասով: Նրա
նկատմամբ որպես խափանման միջոց է
կիրառվել կալանավորումը:
Նախաքննությունն ավարտվել է, քրեա-
կան վարույթի կյուրթըրը՝ մեղադրական եզ-
րակացությամբ, ուղարկվել են հսկող դա-
տախազին հաստատելու եւ դատարան ու-
ղարկելու համար:

ՆԱԽԱՔՆՆՈՒԹՅՈՒՆ

ՊԱՅԹՅՈՒՆ՝
ԵՊՐ-ՈՒՄ



«Ժողովուրդ» օրաթերթի տեղեկու-
թյուններով՝ 33 քննչական կոմիտեում
ոստիկանությունից հաղորդում է ստաց-
վել այն մասին, որ, ըստ ստացված
ահագանգի, Երեւանի պետական հա-
մալսարանի քիմիայի ֆակուլտետում
տեղի է ունեցել պայթյուն, կան տուժած-
ներ:

ԶԿ-ից «Ժողովուրդ» օրաթերթին
հայտնում են, որ դեպքի վայրից «ծխա-
հարված» ախտորոշմամբ Համալսա-
րանական հիվանդանոց է տեղափոխ-
վել ոստիկանության մեկ ծառայող, իսկ
երկու անձինք, որոնցից մեկը 70 տարե-
կան է, մյուսը՝ 66 տարեկան, «պոլիտ-
րավմա, քիմիական այրվածք» ախտո-
րոշմամբ բուժօգնության են տեղա-
փոխվել Այրվածքաբանական ազգային
կենտրոն:

Դեպքի վայրում նշված ֆակուլտետի
նկուղային հարկում, հայտնաբերվել է
73-ամյա Ժ. Խ.-ի դին՝ այրվածքներով:

Դեպքի առթիվ 33 քննչական կոմի-
տեի Երեւան քաղաքի քննչական վար-
չության Կենտրոնն է Նորք-Մարաշ
վարչական շրջանների քննչական երկ-
րորդ բաժնում նախաձեռնվել է քրեա-
կան վարույթ՝ 33 քրեական օրենսգրքի
355-րդ հոդվածի 2-րդ մասով (Շինարա-
րական, լեռնահանքային կամ այլ աշ-
խատանքների կատարման ընթացքում
աշխատանքի պաշտպանության կամ
անվտանգության ապահովման կանոն-
ները կամ պահանջները խախտելը, որն
անզգուշությամբ առաջացրել է մարդու
մահ կամ այլ ծանր հետեւանք), ինչպես
նաեւ 33 քրեական օրենսգրքի 357-րդ
հոդվածի 2-րդ մասի (Չրդեհային անվ-
տանգության կանոնները կամ պա-
հանջները խախտելը, որն անզգուշու-
թյամբ առաջացրել է մարդու մահ կամ
այլ ծանր հետեւանք) հատկանիշներով:
Ձեւավորվել է քննչական խումբ, սկս-
վել է նախաքննություն:

Ներկա պահին քննիչները դեպքի
վայրում են, իրականացվում է դեպքի
վայրի գնումներ, կատարվում են անհ-
րաժեշտ այլ անհետաձգելի քննչական,
վարույթային գործողություններ՝ կա-
տարվածի պատճառները, դեպքի ամ-
բողջական հանգամանքները պարզե-
լու, տեղի ունեցածին վերջնական իրա-
վական գնահատական տալու ուղղու-
թյամբ:

Նախաքննության ընթացքի եւ արդ-
յունքների մասին 33 քննչական կոմի-
տեն հրկնապես հանդես կգա պաշտոնա-
կան տեղեկատվությամբ:

ՈՒՇԱԳՐԱԿ

ԴԱՏԱՎՈՐԻ
ՈՐԴՈՒՆ
ՄՊԱՍՎԵԼԻՔԸ

«Ժողովուրդ» օրաթերթի տեղեկու-
թյուններով՝ ոստիկանության նախկին գն-
դապետ Վարդան Նաղարյանի որդու դա-
նակահարության գործով ուշագրավ գար-
գացումներ են:

Մեզ հայտնի դարձավ, որ 33 քննչական
կոմիտեն կարծել է միջադեպի մասնա-
կիցներից մեկի նկատմամբ քրեական հե-
տապնդումը՝ արդարացման հիմքով:
Փաստաբան Մարինե Ֆարմանյանը հաս-
տատեց՝ նշելով, որ արդարացվել է իր
պաշտպանյալը:

«Ժողովուրդ» օրաթերթը գրել էր, որ ոս-
տիկանության նախկին գնդապետ Վար-
դան Նաղարյանի որդու դանակահարու-
թյան գործով անցնում է նաեւ Սահմա-
նադրական դատարանի դատավոր Ար-
թուր Վաղարշյանի որդին՝ Արեգ Վաղարշ-
յանը:

Մեզ հասած բացառիկ տեղեկություննե-
րի համաձայն՝ նա ձերբակալվել է, ավել
ուշ դատարանը Արեգ Վաղարշյանին
ազատ էր արձակել:

Հիշեցնենք, որ տեղեկությունը «Ժող-
վուրդ» օրաթերթն անձամբ փորձել էր
պարզել ՍԴ դատավոր Արթուր Վաղարշ-
յանից, ինչին ի պատասխան՝ նա ասել էր.
«Իմ որդին իրականում այնտեղ ներկա է
եղել, ինքը ակնատես է: Ես բոլոր պե-

տական մարմիններին վստահում եմ,
իրենք օբյեկտիվ քննություն կիրականաց-
նեն, եւ դուք օբյեկտիվ ճշմարտությունը
կհմանաք»:

ՔՆԱՐ ՄԱՆՈՒԿՅԱՆ

ՎԻՃԱԲԱՆՈՒԹՅՈՒՆ՝
ԴԱՏԱՐԱՆՈՒՄ

Նոյեմբերի 16-ին՝ ժամը 12:00-ի սահ-
մաններում, ուշագրավ իրավիճակ է եղել
Աբովյան քաղաքի դատարանում:

«Ժողովուրդ» օրաթերթին հասած տե-
ղեկությունների համաձայն՝ դատական
նիստի ժամանակ Սեւան քաղաքի՝ 1971
թվականի ծնված բնակիչ եւ Պռոշյան հա-
մայնքի մեկ այլ բնակիչ միջու տեղի է ու-
նեցել վիճաբանություն, որը շարունակվել
է նաեւ դատարանի բակում:

Դատարանից հեռանալուց հետո կողմե-
րը Արզնու խճուղում կանգնեցնում են
իրենց հակառակորդին ու թեժ ծեծկռուտը
սկսում, որի ժամանակ դանակով հարվա-
ծում են միջադեպի մասնակիցներից մե-
կին:

Արզնու խճուղում երթեւեկությունը
կաթվածահար է լինում: Դանակահարվա-
ծին տեղափոխում են հիվանդանոց: Մեզ
հայտնի է դարձել վիճաբանության բուն
պատճառը:

Սեւանի բնակիչ որդին ամուսնացել է
Պռոշյանի բնակիչ դստեր հետ: Դատա-
կան նիստը կապված է եղել թոռան խնա-
մակալության հետ: Գիշերը դանակահա-

րողին իրավապահները բռնել են, նա ձեր-
բակալված է:

ԻՆՉ Է ՏԵՂԻ
ՈՒՆԵՑԵԼ

«Ժողովուրդ» օրաթերթին հայտնի է դար-
ձել երկ ԵՊՐ-ում տեղի ունեցած պայթյու-
նից տուժածների անունները: Այսպիսով,
հիվանդանոց տեղափոխված անձանցից
մեկը 33 ՆԳՆ ոստիկանության ՊԾ առաջին
գումարտակի 2-րդ վաշտի լեյտենանտ
Հայկ Ղազարյանն է՝ ծնված 1990 թվակա-
նին, վերջինս ծխահարվել է եւ այս պահին
գտնվում է հիվանդանոցում: Մյուս տուժած-
ները ԵՊՐ աշխատակիցներ Սեյրան Բի-
չախյանն է՝ ծնված 1953 թվականին, Ահա-
րոն Հակոբյանը՝ ծնված 1957 թվականին:
Իսկ, ահա, պայթյունի հետեւանքով մահա-
ցածը Երեւանի բնակիչ Ժորժիկ Խաչատուր-
յանն է՝ ծնված 1950 թվականին Երեւանում:
Իսկ ինչ վարկած է ընկնում այս պահին
իրավապահ համակարգում: «Ժողովուրդ»
օրաթերթի բացառիկ տեղեկությունների
համաձայն եւ ըստ նախնական վարկածի՝ Ս.
Բիչախյանը Երեւանի պետական համալ-
սարանի նկուղային հարկում իրեն անհայտ
ծագման կյուրթ փակ տարայից դատարկել
է դուլի մեջ, ինչի հետեւանքով էլ առաջա-
ցել է այս պայթյունը: Հետեւենք քննության
ընթացքին: Հիշեցնենք, որ երկ առավոտ-
յան ԵՊՐ-ում պայթյուն էր տեղի ունեցել,
որին զուգահեռ հրդեհ էր բռնկվել:

ԷՄՍԱ ՄԻՔԱՅԵԼՅԱՆ

● Ըստ ոստիկանության տվյալների՝ նոյեմբերի 16-ից 17-ը Հայաստանի Հանրապետությունում բա-
ցահայտվել է հանցագործության 60 դեպք, որոնցից 6-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԹԱՔՏՆՈՒՄ Է ԱՐՏԱԳՐԱՄԱՍԵՐԻ ԹԻՎԸ

Տավուշի մարզպետ Յայկ Ղալումյանը այս տարվա օգոստոսի 29-ին մարզպետարանում նիստ է անցկացրել Տավուշի մարզում անտառային և բուսածածկ տարածքների հնարավոր հրդեհավտանգ իրավիճակների մշտադիտարկման, հրդեհների կանխարգելման, անհրաժեշտ կարողությունների գնահատման, արագ արձագանքման, հրդեհների դեմ պայքարի, դրանց տարածման կանխման, ինչպես նաև դրանց հետեանքների վերացմանն ուղղված միջոցառումների իրականացման նպատակով ստեղծված աշխատանքային խմբի հետ, քննարկվել են անտառային հրդեհների, փայտածուխի արտադրման հետ կապված հարցեր:

«Ժողովուրդ» օրաթերթը սեպտեմբերի 8-ին մարզպետին տեղեկատվական հարցում է ուղարկել՝ նրան հարցնելով, թե մարզում փայտածուխի քանի արտադրամաս է գործում, դրանից քանիսն են համապատասխանում բնապահպանական և հակահրդեհային կանոններին:

Սեպտեմբերի 18-ին մարզպետարանից ստացված պատասխանում նշված է. «Մարզում գործում են փայտածուխի արտադրամասեր, որոնց թիվը հստակ չենք կարող ասել, քանի որ ամենօրյա փոփոխությունների են ենթարկվում՝ կապված գործունեության դադարեցման հետ: Այն արտադրամասերը, որոնք չեն համապատասխանում բնապահպանական և հակահրդեհային կանոններին, ենթարկվում են վարչական պատասխանատվության՝ օրենքով սահմանված կարգով»:

Սեպտեմբերի 22-ին նոր հարցում ենք ուղարկել մարզպետ Յ. Ղալումյանին՝ խնդրելով հայտնել մարզում գործող փայտածուխի արտադրամասերի թիվը կոնկրետ օրվա՝ 2023թ. սեպտեմբերի 22-ի դրությամբ:

Մարզպետարանից ստացել ենք նախկինում ուղարկված նույն պատասխանը: Նոյեմբերի 8-ին մարզպետին ուղղված տեղեկատվական հարցման մեջ հարցրել են 2023թ. նոյեմբերի 10-ի՝ ժամը 10:00-ի դրությամբ թվով որքան են Տավուշի մարզում գործող փայտածուխի արտադրամասերը, նրանցից քանիսն են համապատասխանում բնապահպանական և այլ պահանջներին, գործում են օրինական: Մարզպետարանից ստացված նամակում տառացիորեն, առանց մի բառի տարբերության, նույն պատասխանն է, ինչ որ գրված էր սեպտեմբերի 18-ին մարզպետարանից ուղարկված պատասխանում:

Նիկոլ Փաշինյանի դասընկեր, նրա հարսանիքի քավոր, Նիկոլ Փաշինյանի որոշումով 2021թ. ապրիլի 8-ին Տավուշի մարզպետ նշանակված Յայկ Ղալումյանը համառորեն թաքցնում է մարզում գործող փայտածուխի արտադրամասերի թիվը և այն, թե դրանցից քանիսն են օրինական, համապատասխանում բնապահպանական պահանջներին: Կարելի է ենթադրել, թե նա ինչու է թաքցնում:

ՈՍԿԱՆ ՄԱՐԳԱՅԱՆ
Տավուշ

ԹՎԵՐ

ԽՆԱՄՔԻ ԿԵՆՏՐՈՆ ԵՆ ՏԵՂԱՓՈԽՎԵԼ

«Ժողովուրդ» օրաթերթի Տեղեկություններով՝ ՀՀ աշխատանքի և սոցիալական հարցերի նախարարության կամ արտադրատեղակումը սարեցների համար գործող 6 խնամքի հաստատություններում բնակվում է Լեռնային Ղարաբաղից բռնի տեղահանված 83 սարեց:

«Ժողովուրդ» օրաթերթի հաղորդմամբ՝ այս մասին Յունանիտար կենտրոնում կայացած ասուլիսում հայտնել է աշխատանքի և սոցիալական հարցերի նախարարի տեղակալ Տարեհիկ Ստեփանյանը՝ մանրամասնելով, որ նրանցից 17-ը Ստեփանակերտի տարեցների խնամքի հաստատությունից են տեղափոխվել:

«Տարեցներից 50-ը միայնակ է, ինչը նշանակում է, որ նրանք չունեն ընտանիքի անդամներ և հավանաբար կշարունակեն խնամք ստանալ տարեցների խնամքի հաստատություններում: Մենք այս մեկ էլ ավել ամիսների ընթացքում ունեցել ենք վերամիավորումներ: Բռնի տեղահանման ընթացքում տարեցները և նրանց ընտանիքի անդամները տարբեր կերպ, տարբեր փոխադրամիջոցներով էին տեղափոխվել Յայաստանի Յանրապետության տարածք: Մենք ընտանիքի վերամիավորման գործընթացը սոցիալական աշխատանքի դեպքի վարման տրամաբանությամբ կարողացել ենք ապահովել», - ներկայացրել է փոխնախարարը՝ հավելելով, որ գործընթացը շարունակվում է:

Նրա խոսքով՝ Ստեփանակերտի գիշերօթիկ հաստատությունում սեպտեմբերի 24-ի դրությամբ բնակվող 10 երեխա սեպ-



տեմբերի 25-ին տեղափոխվել է ՀՀ-ի շուրջօրյա խնամքի հաստատություն
«Մեր ճգնաժամային կենտրոններից մեկում են մինչ օրս բնակվում: Երեխաների տարիքը 1-ից մինչև 17 է: Տեղափոխման պահին երկու երեխաներ խիստ անբավարար առողջական վիճակում էին գտնվում: Տեղափոխվել են Գորիսի հիվանդանոցում, այնուհետև, ամբողջությամբ

լավանալու հետ կապված, տեղափոխվել են խնամքի հաստատություն», - ասել է Ստեփանյանը՝ ընդգծելով, որ բոլոր այն համակարգերը, որոնք կյանքի դժվար իրավիճակում գտնվող տարեցների, երեխաների, հաշմանդամություն ունեցողների համար գործում են ՀՀ-ում, կիրառելի են նաև ԼՂ-ից բռնի տեղահանված անձանց դեպքում:

ՈՒՍՈՒՑԻՉՆԵՐԻ ԴՐՈՒՅՔԱԶՎՈՓ

Կառավարությունը փոփոխություններ է կատարել ուսուցիչների կամավոր ասեստավորման կարգում. 60-69 տոկոս արդյունք ցուցաբերած ուսուցիչների համար եւս դրույքաչափը կդառնա 200 հազար դրամ: Այդ մասին նոյեմբերի 17-ին կառավարության նիստին, ասաց ԿԳՄՍ նախարար Ժաննա Անդրեասյանը՝ ներկայացնելով համադասախան նախագիծը:

Ըստ նախարար Անդրեասյանի՝ կամավոր ասեստավորում անցնելու համար այս տարի դիմել է 6320 ուսուցիչ: Կամավոր ասեստավորման 70 տոկոսից ավելի արդյունք ցուցաբերած ուսուցիչների բարձրագույն դրույքաչափին գումարվում է նաև 30-50 տոկոս հավելավճար: Որոշմամբ հնարավորություն է ընձեռվում կրկնապատկել միջինում 125 հազար դրամ դրույքաչափը:

«Որոշման շնորհիվ 3 տարվա արդյունքով 1630 ուսուցիչ եւս կօգտվի վարձատրության բարձրացումից, այդպիսով, կունենանք բարձր վարձատրվող 5179 ուսուցիչ», - ասաց նախարարը և հավելեց, որ քայլեր են իրականացվում, որպեսզի մյուս տարի ասեստավորման գործընթացը թվայնացվի:

ՀՀ վարչապետ Նիկոլ Փաշինյանը, անդրադառնալով որոշմանը, պարզաբանեց. «Այն ուսուցիչները, որոնք հավաքել են արդեն իսկ տեղի ունեցած եւ առաջիկայում տեղի ունենալից ասեստավորումների արդյունքում 60-69 տոկոս արդյունք, 2023 թվականի հոկտեմբերից, այսինքն՝ նախորդ ամսվանից, կստանան դրույքաչափի կրկնապատկում»:



Որոշման նախագծով առաջարկվող փոփոխությունների նպատակը, ըստ վարչապետի, ուսուցիչներին քաջալերելն է, որ նրանք ավելի ակտիվ մասնակցեն ասեստավորման գործընթացին, իսկ նրանք, որ ասեստավորման շեմը անցել են, աշխատավարձի որոշակի փոփոխություն ունենան:

Գառավարության նիստին ԿԳՄՍ նախարար Ժաննա Անդրեասյանը, ներկայացնելով համապատասխան նախագիծը, նշեց, որ նախորդ երկու ասեստավորումների ժամանակ անցողիկ շեմը

չհաղթահարած, բայց 50-59% արդյունք գրանցած կամ առաջինից երկրորդ ասեստավորում 15% աճ ապահոված ուսուցիչներին հնարավորություն կտան երրորդ անգամ մասնակցել ասեստավորմանը:
Նիկոլ Փաշինյանն էլ հայտարարեց, որ այն ուսուցիչները, որոնք նախկին ասեստավորումների արդյունքում 60-69% արդյունք էին ցույց տվել, 2023 թվականի հոկտեմբերից կստանան դրույքաչափի կրկնապատկում:

● Անցած 1 օրվա ընթացքում Յայաստանի Յանրապետությունում արձանագրվել է 12 ՃՏՊ. 16 մարդ ստացել է տարբեր աստիճանի մարմնական վնասվածքներ:

ՀԱՅՏՆԵՑ

ԿԱ ՈՐՈՇԱԿԻ ԱՆՀԱՄԱՊԱՏԱՄԻԱՆՈՒԹՅՈՒՆ



Կա որոշակի անհամապատասխանություն ԼՂ-ից ՀՀ մուտք գործած ել գումարներ ստացած մարդկանց թվի միջև: Այդ մասին կառավարության նոյեմբերի 17-ի նիստին ասաց ՀՀ վարչապետ Նիկոլ Փաշինյանը:

«Բացատրությունը կարող է լինել՝ 1. այդ արագության մեջ, ենթադրենք, մեքենայի մեջ 5 մարդ է եղել, հաշվառել են 4, այսինքն՝ խնդիր է եղել մարդկանց բաց թողնելու, նրանց առաջնային կարիքները բավարարելու, 2. կարող են լինել մարդիկ, որոնք չեն եղել այդ հոսքի մեջ, ընտանիքի անդամներ են եւ այլն, իրենք ավելի շուտ են եղել ՀՀ-ում, եւ իրենք էլ են հաշվառվել, 3. մարդիկ կարող են լինել, որոնք շատ վաղուց են ՀՀ-ում, բայց որոշել են հաշվառվել եւ գումար ստանալ:

Հիմա մենք պետք է վերլուծենք, ընդ որում այս երրորդ տվյալն օբյեկտիվորեն հնարավոր է պարզել»,- ասաց Փաշինյանը եւ պարզաբանեց, որ այդ տվյալները կարող են վեր հանվել, օրինակ, եթե պարզվի, որ Լաչինի միջանցքի շրջափակման ընթացքում քաղաքացին Հայաստանում, օրինակ, երթելու կանոններ է խախտել, վարորդական վկայական է ստացել, մեքենա է գնել-վաճառել կամ արձանագրվել է որդեկ էլեկտրոնային հարթակում:

«Կլինեն դեպքեր, որ մեր մոտեցումը կլինի այն, որ գումարի ստացումը համարում ենք օրինաչափ: Կլինեն դեպքեր, որ այդպես չենք համարի: Այն դեպքերը, երբ նման դեպքեր կարծանագրվեն, արդեն կմտածենք՝ ինչ անել»,- ասաց Փաշինյանը:

Վարչապետը նաեւ մեկնաբանեց, թե անհամապատասխանությունների դեպքում ինչու է որոշվել առանց տվյալները ստուգելու վճարել 100 հազար դրամ աջակցությունը: Ըստ Փաշինյանի՝ նրանց գտնելու համար անհրաժեշտ էր եւս 15 օր, բայց այդ ընթացքում այն մարդիկ, որոնք պետք է գումարը ստանային, կմնային առանց օգնության:

«Կառավարության որոշման մեջ սահմանել ենք, որ եթե հետո կարգվի, որ մարդ է ստացել գումարը, որը պետք է չստանար, այդ գումարը ենթակա է վերադարձի»,- ասաց վարչապետը՝ ընդգծելով, որ առաջնորդվել են այն սկզբունքով, որ 100 հազարից ավելի մարդու անհրաժեշտ այսուպեսական օգնությունը չուշացնեն:

«ՅՈՒՆԻԲԱՆԿ»

ԲԱՅՎԵԼ Է Unisport ԱԿՈՒՄԲԸ

«Յունիբանկ»-ի հովանավորությամբ հիմնադրվել է նոր սպորտային ակումբ՝ Unisport-ը, որը միավորում է սարքեր մարզածները ներկայացնող դրոֆեսիոնալ մարզիկներին:

Unisport ակումբի նպատակն է նպաստել տարբեր մարզածների առաջնորդմանը, մարզվելու համար բարենպաստ պայմանների ստեղծմանը, մանկապատանեկան սպորտի զարգացմանը, ցուցաբերել հասցեական աջակցություն տաղանդավոր մարզիկներին, որոնք Հայաստանը ներկայացնում են միջազգային ասպարեզում:

«Յունիբանկ»-ը հանրության համար ոչ միայն հուսալի ֆինանսական գործընկեր է, այլև սոցիալապես պատասխանատու քաղաքացի, որն ակտիվ աջակցում է կրթական, մշակութային եւ սպորտային ծրագրերի իրականացմանը: Դառնալով Unisport ակումբի գլխավոր հովանավորը՝ «Յունիբանկ»-ը ձգտում է իր աջակցությունը տրամադրել մարզիկներին եւ թիմային խաղերի, մասնավորապես, ֆուտբոլի առաջնորդմանը, սպորտի հանրայնացմանը», - նշեց «Յունիբանկ»-ի վարչության նախագահ Մեսրոպ Հակոբյանը:

Ակումբին արդեն իսկ միացել են անվանի մարզիկներ, որոնք 2024թ.-ի ամռանը մասնակցելու են Օլիմպիական խաղերին: Unisport ակումբի անդամներ են հունահռոմեական ըմբշամարտի աշխարհի չեմպիոն եւ Եվրոպայի կրկնակի չեմպիոն Մալխաս Ամոյանը, հրաձգության աշխարհի գավաթի ոսկե մեդալակիր, Եվրոպայի առաջնության բրոնզե մեդալակիր, Եվրոպական խաղերի արծաթե մեդալակիր ու ռեկորդակիր Էլմիրա Կարապետյանը, հունահռոմեական ըմբշամարտի աշխարհի առաջնության բրոնզե մեդալակիր եւ Եվրոպայի առաջնության կրկնակի մրցանակակիր Սլավիկ Գալստյանը, ազատ ոճի ըմբշամարտի Եվրոպայի ռեկորդակիր, աշխարհի ռեկորդակիր բրոնզե մեդալակիր եւ մինչեւ 23 տարեկանների աշխարհի առաջնության կրկնակի



չեմպիոն Արսեն Հարությունյանը, ազատ ոճի ըմբշամարտի Եվրոպայի չեմպիոն, Աշխարհի անհատական Գավաթի խաղարկության ոսկե մեդալակիր, աշխարհի առաջնության բրոնզե մեդալակիր, աշխարհի մինչեւ 23 տարեկանների առաջնության չեմպիոն Վազգեն Թեւակյանը: Ակումբի կազմում ընդգրկված է նաեւ Unisport ֆուտբոլի թիմը, որը մասնակցում է ՀՀ ֆուտբոլի առաջին խմբի առաջնությանը եւ 3-րդ տուրի արդյունքներով գլխավորում է մրցաշարային աղյուսակը:

«Unisport թիմը բավականին բարձր մակարդակով է հանդես գալիս Առաջին խմբում եւ ցուցադրում է գեղեցիկ եւ որակյալ խաղ: Մեր ապագա պլաններում է պայքարել Հայաստանի չեմպիոնի տիտղոսի համար եւ դուրս գալ միջազգային մակարդակ: Մենք ուրախ ենք, որ «Յունիբանկ»-ը մեր կողքին է եւ պատրաստակամ է աջակցել մեր ամբիցիոզ ծրագրերի իրականացմանը», - նշեց Unisport ակումբի տնօրեն Դավիթ Խաչատրյանը:

ՇՈՒԿԱ

ՎՃԱՐՈՒՄՆԵՐԸ ԿԵՆԱՐՈՒՆԱԿԻ

Լեռնային Ղարաբաղից բռնի տեղահանված անձանցից 104 200-ն արդեն իսկ ստացել են 100 հազար դրամ միանվագ օժանդակությունը, նրանցից 28 475-ը անչափահաս են, 75 725-ը՝ չափահաս: Այս մասին նոյեմբերի 17-ին ՀՀ կառավարության նիստում այս տվյալները ներկայացրեց ՀՀ աշխատանքի եւ սոցիալական հարցերի նախարար Նարեկ Սկրտչյանը:

«Այսօր 500 մլն դրամ հատկացնելու ենք այս վճարումները շարունակելու համար: Մշակված է 3 800 դիմում, իսկ 800 նոր անձի դիմում ստացել ենք ԿԳՄՆ-ի եւ ՀՀ առողջապահության նախարարության գործընկերներից: Լաչինի միջանցքի ապօրինի արգելափակումից հետո ՀՀ բուժառության եւ կրթության նպատակներով ՀՀ տեղափոխված ԼՂ մեր հայրենակիցներ մասին տվյալները եւս կմշակենք: Այսպիսով, շուրջ 108 800 անձի վճարում կիրականացնենք առաջիկա օրերին»,- հայտարարեց նախարարը:

Նա հայտարարեց, որ վճարումները շարունակվում են նաեւ 40+10 հազար համա-

կարգով, եւ 99 820 մարդու վճարումն արդեն իսկ իրականացվել է: Նոյեմբերի համար դիմումները նախարարությունն արդեն սկսել է ստանալ, եւ այս պահին նրանց թիվը 8 475 է:

Սկրտչյանը տեղեկացրեց, որ այսօրվանից գործարկվում է էլեկտրոնային հարթակը, որտեղ կներկայացվեն նոյեմբերի եւ դեկտեմբերի համար սպառողական ծախսերի համար հատկացվող 50 հազար դրամ աջակցության մասին տվյալները:

ԱՐՏԱՆԱՅՏՈՒՄ ԵՆ ԻՐԱԿԱՆՈՒԹՅՈՒՆԸ

Մրցակցության պաշտպանության հանձնաժողովը մշտապես ուշադրության կենտրոնում է պահում բենզինի շրջանառության ոլորտը: Հանձնաժողովը հստակ իրականացնում է իր գործառնությունը՝ ամենօրյա ռեժիմով հետևելով, որպեսզի բենզինի շուկայում գործունեություն իրականացնող տնտեսվարողների կողմից իրացված գների չիմաստավորված տատանումներ տեղի չունենան:

Հանձնաժողովից «Ժողովուրդ» օրաթերթին հայտնում են, որ հանձնաժողովի

իրականացրած ուսումնասիրության արդյունքում պարզվել է, որ միջազգային բորսաներում արձանագրվել է բենզինի գների բարձրացում: Հաշվի առնելով ՀՀ տնտեսվարողների լոգիստիկ ծախսերը եւ հարկերը՝ հանձնաժողովն արձանագրում է, որ ՀՀ-ում բենզինի գործող գներն արտահայտում են օբյեկտիվ իրականությունը:

Ինչ վերաբերում է այն հարցին, որ, ԵԱՏՄ անդամ այլ երկրների համեմատ, Հայաստանում բենզինի իրացման գներն ավելի բարձր են, ապա անհրաժեշտ է հաշվի առնել, որ այդ երկրներում, որոնք, ընդ որում, ունեն բենզինի սեփական պաշարներ, կիրառվում են ներքին շուկայի սուբսիդավորման մեխանիզմներ:

Միաժամանակ հանձնաժողովը մշտապես կապի մեջ է գտնվում տնտեսվարողների հետ՝ նրանցից ստանալով օպերատիվ տեղեկատվություն: Հարկ է նշել, որ գների բարձրացմանը զուգահեռ տնտեսվարողները նվազեցրել են իրենց շահույթը՝ նպատակ ունենալով ստեղծված պայմաններում հնարավորիս մեղմել գների ավելացումը:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ՊԱՏՄՈՒՄ Է

ԱՐՑԱՒՏԻ ԿՆՈՋ ՀՈՒՇԵՐԸ

«Ամսի 24-ին վերջապես ամուսինս ու եղբայրներս եկան. նույն օրը, բացառած ցավը կոկորդներումս խեղդելով, հեռացանք Արցախից՝ այնտեղ բողոքելով ամեն ինչ՝ մանկություն, հայրական տուն, մի ողջ աղբյուր կյանք ու մեր սուրբ հայրենիքը»,-«Ժողովուրդ» օրաթերթին տասնում է Արցախից բռնի տեղահանված Աբսախյան Մարտիրոսը:

«Սեպտեմբերի 19-ին ամուսինս ու 3 եղբայրներս դիրքերում էին, ոչ մեկից լուր չունեինք. պատերազմի հաջորդ օրը հայտարարեցին, որ պետք է լքենք գյուղը: Երեք անչափահաս երեխաներիս հետ մի կերպ բարեկամի մեքենայով դուրս եկանք գյուղից եւ գնացինք Ստեփանակերտ: Վերջին օրերին բոլորն այնտեղ էին կենտրոնանում, եւ մտածում էինք, որ Ստեփանակերտում ավելի ապահով է: 6 օր մնացինք Ստեփանակերտի թիվ 1 դպրոցում, որտեղ տեղակայված էր հիմնականում Մարտակերտի շրջանը՝ իր գյուղերով: Ծանր ռուպեներ էին, երեխաները քնում էին սառը հատակին, իսկ մենք սպասում էինք, ինչի՞ ինքներս էլ չգիտեինք: Ստածում էինք ընտանիքի անդամների մասին. միայն թե մեզանից ոչ մեկը չպակասի»,- վերհիշում է Աբսախյան Մարտիրոսը:

Այսօր փորձում են նոր կյանք սկսել, ապրում են Կոտայքի մարզի Բալահովիտ գյուղում: Մինչեւ մշտական աշխատանք գտնելը Աբսախյան որոշել է տնային պայմաններում ժենգալով հաց եւ փախլավա թխել՝ ինչ-որ չափով հոգավոր ընտանիքի հոգսերը:

Աբսախյան եւ ամուսինը՝ Յայրոն, ծնունդով Յարդուբեյից էին: Համալսարանն ավարտելուն պես աշխատել են Յարդուբեյի շրջանի Առաքել գյուղում, ինքը՝ որպես դասավար, ամուսինը՝ պատմության ուսուցիչ: Աբսախյան հստակ հիշում է՝ երբ, որ օրն ինչ է տեղի ունեցել. «Վարձով էինք ապրում մինչեւ 2020 թվի հուլիսի 11-ը, հետո տուն գնեցինք, միահամուռ ուժերով կահավորեցինք, գնեցինք տան համար բոլոր անհրաժեշտ իրերը, որոնք անգամ չհասցրեցինք բացել, երբ սկսվեց 44-օրյա պատերազմը: 2020 թվականի սեպտեմբերի



27-ին ամուսինս ինձ ու 2 փոքրիկներս ընկերոջ մեքենայով ուղարկեց Յարդուբեյի քաղաքում գյուղեր (Քարազուրա, Դուլանլար, Խծաբերդ), իսկ ինքը մնաց Ջրականի (Ջարբախի) մոտակայքում: Հոկտեմբերի 1-ին ճանապարհվեցինք Երեւան, իսկ ինքը մինչեւ նոյեմբերի 26-ը մնաց Խծաբերդում... Պատերազմի ավարտից հետո ամուսինս որոշեց, որ պետք է ապրենք Արցախում: 2020 թվականի դեկտեմբերի 3-ին արդեն իմ հայրենի գյուղում՝ Յարդուբեյում էինք: Ամուսինս անցավ ծառայության: Երբեք չէինք խուսափում դժվարությունից, իրար օգնելով՝ սկսեցինք ամեն ինչ նորից ստեղծել:

Անգամ բլրկադան մեզ ընկնել չկարողացավ բայց այս պատերազմի հետեւանքները...»:

ԱՐՑԱՒՏԱՆ

ԶՈՐՎԱԾԻ ՎԵՐՋԻՆ ԽՈՍՔԵՐԸ

Սեպտեմբերի 19-ին Ադրբեյջանի սանձազերծած ռազմական գործողությունների հետեւանքով Արցախում առկա խնդիրներին ավելացել էին նորերը: Կտրվել էր կապը շրջանների հետ, թշնամին վերահսկում էր միջշրջանային ավտոճանապարհների մի մասը: Սկսվեց բնակչության տարահանումը Հայաստանի Հանրապետություն:

9-ամսյա շրջափակումից հետո Արցախում վառելիքի սղության պատճառով շատերն այդ օրերին փորձում էին տարբեր տեղերից վառելիք գտնել: Մարդկանց մի մասը մեկնեց Ստեփանակերտ-Ասկերան ավտոճանապարհի հարակից տարածքում գտնվող վառելիքի պահեստ:

Դեռ չպարզված հանգամանքներում սեպտեմբերի 25-ին պայթեց վառելիքի պահեստը, ինչի հետեւանքով եղան զոհեր եւ վիրավորներ:

«Սեպտեմբերի 19-ի ռազմական գործողությունների մեկնարկից մինչեւ սեպտեմբերի 24-ը Ռադիկը դիրքերում էր: Սպեոմբերի 25-ին, լսելով, որ Ստեփանակերտ-Ասկերան ավտոճանապարհի հարակից տարածքում գտնվող վառելիքի պահեստում բեռնակա, շտապեց այնտեղ: Երեկոյան արդեն իմացանք պայթյունի մասին»:

Ռադիկի կինը՝ Մարիամը, լսելով պայթյունի մասին, շտապեց հիվանդանոց: Ամուսինը Ստեփանակերտի Հանրապետական բժշկական կենտրոնի վերակենդանացման բաժանմունքում էր այդ ժամանակ: Զթույլատրեցին տեսակցել: Քիչ հետո զանգեց Ռադիկը եւ վստահեցրեց, որ իր հետ ամեն ինչ նորմալ է:

Հաջորդ օրն ուղղաթիռով տեղափոխել են Երեւան. «Ծանոթ մարդկանց տեսելիս Ռադիկը պատմում էր, որ պայթյունի հետեւանքով կարծես թե կլինիկական մահ էր տարել, որի ընթացքում լսել է Մարիամի աղոթքները, որից հետո զարթել է»:

Ռադիկի կազատության մարմնի 70 տոկոսը այրված էր: 4 օր պայքարեց ապրելու

համար, սակայն ստացած այրվածքները կյանքի հետ անհամատեղելի էին:

ԿՑՈՒՑԱԳՐՎԻ ԱՄՆ-ՈՒՄ

Ավստրալական SBS ցանցը բացառիկ իրավունքներ է ստացել ցուցադրելու ռեժիսոր Ջիվան Ավետիսյանի «Դրախտի դարպասը» ռազմական դրաման, որտեղ գլխավոր դերերում հանդես են գալիս Ռիչարդ Սամելը եւ Տատյանա Սափյակովան: Ֆիլմի իրադարձությունները զարգանում են 2016 թվականին Լեռնային Ղարաբաղում տեղի ունեցած քառօրյա պատերազմի ֆոնին: «Դրախտի դարպասը» ֆիլմը ներկայացնում է Արցախյան պատերազմն ու դրա շուրջ համախմբված հերոսների կյանքը, գլխավոր հերոսի մեծագույն սխալն ու այն ուղղելու մեծ ցանկությունը: Իրադարձությունները զարգանում են 2016թ.-ի ապրիլին: Գերմանացի հայտնի լրագրող Ռոբերտը վերադառնում է Արցախ 22 տարվա զինադադարից հետո կրկին բռնկված պատերազմի իրադարձությունները լուսաբանելու ցանկությամբ:

ՍՊՈՐՏ

ԳԱՐՉԱՎ ՈՍԿԵ ՄԵԴԱԼԱԿԻՐ

Հայաստանի ծանրամարտի երիտասարդական ընտրանին առաջին մեդալն է նվաճել աշխարհի առաջնությունում:

«Ժողովուրդ» օրաթերթի հաղորդմամբ՝ մեքսիկական Գվադալախարա քաղաքում ընթացող աշխարհի երիտասարդների առաջնության կանանց 55կգ քաշային կարգում Հայաստանի հավաքականի անդամ Ալեքսանդրա Գրիգորյանը դարձել է ոսկե մեդալակիր: Նա պոկել է 81 կգ եւ հրել 107 կգ: Երկամարտի 188 կգ արդյունքով Գրիգորյանը դարձել է ԱԱ-ի ոսկե մեդալակիր:

ՎՆԱՍՎԱԾՔ Է ՄՏԱՑԵԼ

Անգլիական «Մանչեսթեր Սիթիի» 23-ամյա հարձակվող Էրլինգ Հոլանդը ունաթաթի վնասվածք է ստացել Նորվեգիայի հավաքականում. հաղորդում է VG-ն: Ֆարեյան կղզիների հետ ընկերական խաղում Հոլանդը փոխարինման է դուրս եկել եւ վնասվածքը ստացել հանդիման ավարտից մի քանի րոպե առաջ:

Նորվեգիայի հավաքականը հաղթել էր 2:0 հաշվով:

Նորվեգիայի հավաքականի բժիշկ Օլա Սանդան հայտնել է, որ Հոլանդը նույն վնասվածքը ունեցել է նաեւ նախկինում:

Ընթացիկ մրցաշրջանում Հոլանդը «Մանչեսթեր Սիթիի» հետ մասնակցել է 18 հանդիպման, խփել է 17 գոլ, կատարել 4 գոլային փոխանցում:

ԿԱՆՑՆԵՆ ՄՐՑԱՒՏԱԳ

Ֆուտբոլի Հայաստանի եւ Ուելսի հավաքականների երկրպագուները ֆուտբոլային մրցախաղ կանցկացնեն Երեւանում:

Նոյեմբերի 17-ին՝ ժամը 19:30-ին, Խորեն Հովհաննիսյանի անվան (Հանրապետական մարզադաշտին կից) մարզադաշտում տեղի կունենա բարեգործական ֆուտբոլային հանդիպում FAF-ի եւ Ուելսից ժամանող երկրպագուների՝ Wales supporters team-ի միջեւ, որի ամբողջ հասույթը ուղղված կլինի Արցախից բռնի տեղահանված մեր հայրենակիցների շարունակական կարիքները հոգալու աշխատանքներին:

«Եվրո-2024»-ի ընտրական փուլի նախավերջին տուրի Հայաստան - Ուելս հանդիպումը տեղի կունենա նոյեմբերի 18-ին եւ կմեկնարկի 18:00-ին:

ՄԱԼԱՔԸ՝ ՊՈԿԵՐԻ ՀԵՂԻՆԱԿ

Աֆրիկայում մեկնարկեց 2026թ. աշխարհի առաջնության ընտրական մրցաշարը:

Եգիպտոսի հավաքականը հյուրընկալեց Ջիբութիի հավաքականին եւ առավելության հասավ 6:0 հաշվով:

Զորս գոլ խփեց անգլիական «Լիվերպուլի» հարձակվող Մոհամեդ Սալահը:

● Նոյեմբերի 19-ին Հ. Պարոնյանի անվան երաժշտական կոմեդիայի պետական թատրոնում տեղի կունենա «Վերջին կանգառ» ներկայացումը: Տոմսերի արժեքը՝ 1000-3000 դրամ:



Էջը՝ ՄԱՐԻԱՍ ՂԱԶԱՐՅԱՆԻ

ՖԻՆԱՆՍԱԿԱՆ

ՀԱՐՑ. Այն դեղինում, երբ կատարվում է ավանդի ներդրում կամ համալրում, որոնցից յուրաքանչյուրի գումարը չի գերազանցում 20 միլիոն ՀՀ դրամը, սակայն համալրման արդյունքում ավանդի գումարը գերազանցում է 20 միլիոն ՀՀ դրամը, արդյո՞ք անհրաժեշտ է Ֆինանսական դիսարկունմենթի կենտրոն ներկայացնել դառադիր տեղեկացման ենթակա գործարքի վերաբերյալ հաշվետվություն:
Հայկ Բաղդասարյան (39 տարեկան)



ՊԱՏԱՍԽԱՆ. Եթե 20 միլիոն ՀՀ դրամը չգերազանցող ավանդը համալրվում է 20 միլիոն ՀՀ դրամը չգերազանցող գումարով, եւ եթե արդյունքում նույնիսկ ավանդի գումարը գերազանցում է 20 միլիոն ՀՀ դրամը, ապա անհրաժեշտ չէ ներկայացնել պարտադիր տեղեկացման ենթակա գործարքի մասին հաշվետվություն: Այդուհանդերձ, նման ձեռով համալրված եւ 20 միլիոն ՀՀ դրամը գերազանցող ավանդի մարման կամ հաճախորդի կողմից գումարի ստացման դեպքում անհրաժեշտ է Ֆինանսական դիտարկումների կենտրոն ներկայացնել պարտադիր տեղեկացման ենթակա գործարքի մասին հաշվետվություն:

ՀՀ ԿԲ

«ԺՈՂՎՈՒՐԳ». Պարտադիր տեղեկացման ենթակա գործարքի մասին հաշվետվություն չի ներկայացվում նաեւ այն դեպքերում, երբ նախկինում համալրված՝ 20 միլիոն ՀՀ դրամը գերազանցող ավանդի պայմանագրի ժամկետը երկարաձգվում է:

ԶԻՆՎՈՐԱԿՈՒԹՅՈՒՆ

ՀԱՐՑ. Ո՞ր դեղինում է քաղաքացուն դառադիր զինվորական ծառայության զորակոչից սրամադրվում սարկեում:
Հովսեփ Առաքելյան (30 տարեկան)



ՊԱՏԱՍԽԱՆ. «Զինվորական ծառայության եւ զինծառայողի կարգավիճակի մասին» ՀՀ օրենքի 21-րդ հոդվածով սահմանված պարտադիր զինվորական ծառայությունից ազատվելու հիմք չունեցող քաղաքացիներին պարտադիր զինվորական ծառայության զորակոչից տարկետում տրվում է առողջական վիճակի պատճառով:

ՀՀ ՊՆ

«ԺՈՂՎՈՒՐԳ». «Զինվորական ծառայության եւ զինծառայողի կարգավիճակի մասին» ՀՀ օրենքի 21-րդ հոդվածով սահմանված պարտադիր զինվորական ծառայությունից ազատվելու հիմք չունեցող քաղաքացիներին պարտադիր զինվորական ծառայության զորակոչից տարկետում տրվում է նաեւ ընտանեկան պայմաններից ելնելով:

ԼՈՒՐ ԿԱԴՐ

Լուսանկարն արվել է Երեւանում



Վաղ առավոտից Քաջազունի-Վրացյան խաչմերուկը լիքն է քաղաքացիներով, պարեկներով: Պատճառը փոսն ընկած մեքենայի վնասված վիճակն է:
 Զգուշացման նշանի եւ համապատասխան ժապավենի բացակայության պատճառով քաղաքացու մեքենան հայտնվել է փոսում: Ներկաների խոսքով՝ սա առաջին դեպքը չէ այսօրվա մեջ, մի քանի մեքենաների հրելով դուրս են հանել փոսից, սակայն այս մեկը հանել հնարավոր չի եղել, քաղաքացին շուրջ 3 ժամ սպասել է պատասխանատու կողմի արձագանքին, սակայն անարդյունք:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել

«Հայմամուլ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ ԱՆՎՃԱՐ:



Զեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	- 1 + 2 + 6 + 9	☀	Արարատ	+ 8 + 11 + 12 + 15
☀	Կոտայքի լեռներ	0 + 3 + 5 + 7	☀	Արմավիր	+ 7 + 10 + 12 + 15
☀	Կոտայքի նախալեռներ	+ 4 + 7 + 11 + 13	☀	Վայոց ձորի լեռներ	0 + 3 + 6 + 9
☀	Գեղարքունիք	- 1 + 3 + 5 + 9	☀	Վայոց ձորի նախալեռներ	+ 6 + 8 + 12 + 15
☀	Լոռի	+ 1 + 6 + 11 + 14	☀	Սյունիքի հովիտներ	+ 6 + 10 + 16 + 19
☀	Տավուշ	+ 3 + 8 + 13 + 17	☀	Սյունիքի նախալեռներ	0 + 3 + 11 + 14
☀	Արագածոտնի լեռներ	- 1 + 2 + 5 + 9	☀	ԼՂՀ	+ 6 + 8 + 11 + 14
☀	Արագածոտնի նախալեռներ	+ 5 + 8 + 10 + 14	☀	Երեւան	+ 7 + 9 + 16 + 18

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22^ա/3, հեռ.՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 16.11.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
 խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեքենաներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: